



Årsmelding 2018

Stiftinga Gloppen Frivilligsentral

1. Innleiing.

Stiftinga Gloppen Frivilligsentral er lokalisert på Sandane i Gloppen kommune. Frivilligsentralen blei skipa oktober 1991 og er godt forankra i lokalsamfunnet. Vi samarbeider med privatpersonar, lag og organisasjonar, Gloppen kommune og andre offentlege instansar for å stimulere til og samordne frivillig innsats i kommunen vår. Gloppen Frivilligsentral driv i samsvar med vedtekne målsettingar, dei lover og reglar som gjeld for private stiftingar og gjeldande retningsliner. Gloppen Frivilligsentral er medlem av Frivillig Sogn og Fjordane og Norges Frivilligsentraler.

2. Tilsette.

Gloppen Frivilligsentral har i 2018 hatt 100% stillingsressurs. Det har vore fordelt på tre tilsette. Dagleg leiar Elfrid Rauset Håheim har hatt foreldrepermisjon frå februar. Anne Neteland Andenæs har vore vikar for henne. Synnøve Grane Skaaden har hatt 20% stilling.

3. Styret.

Stiftinga Gloppen Frivilligsentral hadde årsmøte 12.03.18. Styret har i 2018 vore samansett:

Styreliear:	Kristoffer N. Rygg
Nestleiar:	Kari Jordanger
Styremedlemer:	Thor Horntvedt Else Tystad Per Ståle Husevåg (kommunal representant)
Varamedlemer:	1. Gunnvor Sunde 2. Frode Fagerli Marit Straume (vara for kommunal representant)
Valnemnd:	Åse Moldestad Gerd Sørebo Bjerg Magni Sande

Stiftinga Gloppen Frivilligsentral hadde i 2018 fire styremøte, og handsama 21 saker.

4. Økonomi.

Tilskot frå Gloppen kommune for 2018: kr 657 000,-. Gloppen kommune har for 2019 budsjettert kr 679 000,- til frivilligsentralen. Andre inntekter til frivilligsentralen kjem mellom anna frå utleige av lokalet vårt, grasrotmidlar frå Norsk Tipping, kulturmidlar, vederlag for oppgåver vi løyser for frivillige lag. Vi fekk også gåve på kr 5000 frå overskot frå privat arr. Kommunerevisjon Nordfjord er Stiftinga Gloppen Frivilligsentral sin revisor i 2018. Rekneskap vert utført av Accountor Rekneskapskontoret Gloppen AS.

5. Aktivitet: Vi vil under trekke fram nokre av våre aktivitetar:

- **Utkøyring av middag** er den største aktiviteten til frivilligsentralen. Kvar dag køyrer frivillige ut middag på tre ulike ruter i kommunen. Middagskøyringa er godt kjent i kommunen og høgt verdsett, og det fører til god rekruttering av nye sjåførar.
- **Følgje til lege/sjukehus** for personar som har behov for hjelp er også ei viktig teneste som vi har aukande etterspurnad på.
- **Dagtilbod:** koordinering av frivillige til onsdagstreff i kantina på omsorgssenteret og torsdagane på Byrkjelotunet. Frivilligsentralen er her kontaktstad for dei frivillige og vi set opp lister over frivillige som skal delta dei aktuelle dagane. Det er gode tilbakemeldingar frå både deltakarar og frivillige på dagtilboda.
- **Seniornett.** Frivilligsentralen er kontaktadresse for seniornett og ein samarbeidspart i dataopplæring for seniorar. Nybyrjaropplæring er gjennomført på Sandane med elleve deltakarar.
- **Verdsdagen for psykisk helse** blir gjennomført av ein bredt samansett komité frå psykisk helse, helsestasjon, folkehelsekoordinator, Firda vidaregåande skule, Nordfjord Folkemuseum og Gloppen Frivilligsentral. Det møtte om lag 170 menneske i ulike aldrar og frå ulike kulturar, til kjekke aktivitetar og sosial samvær i friluftsmuseet til Nordfjord folkemuseum og klatreveggen i Trivselsehallen.
- **Strikkekveldar** er eit tilbod til kvinner i bygda. Annakvar tysdag møtest innvandrar kvinner, nytilflytta og godt etablerte gloppedamer til sosialt samvær med ein kopp kaffi/te og eit handarbeid.
- **Leseven** i samarbeid med Gloppen folkebibliotek. Om lag 15 lesevenner les til personar som ikkje kan lese sjølv.
- **Besøksbaby** er ei ny ordning ved vår frivilligsentral. Ei lita gruppe med babyar saman med mor eller far, har besøkt ulike einingar innan helse og omsorg – til stor glede for både små og store!
- **Søndagskafè på Gloppen omsorgssenteret** haust/vinter/vår er eit viktig arrangement på omsorgssenteret. Fleire av organisasjonane arrangerer dette regelmessig ein eller fleire gonger i året. Vi er glade for at organisasjonar tek på seg dette arrangementet og ser gjerne at fleire kan vere med å arrangerte.
- **8.mars-arrangement** blir arrangert saman med fleire lag og organisasjonar. Det har vore vektlagt å få med kvinner frå ulike kulturar, og det har vi lykkast med.
- **Nattevandring på Sandane.** Nattevandring har eige styre, med representantar frå Gloppen kommune, Røde Kors, foreldre ved Gloppen ungdomsskule og Frivilligsentralen. Frivilligsentralen er leigd til å organisere Nattevandringa i Sandane.
- **Rusfritt 16. mai arrangement.** Lag og organisasjonar, fritidsleiar i Gloppen kommune og frivilligsentralen arrangerer rusfri 16. mai-natt. Samlingsstaden er i Kulturhuset Trivselshagen, med mat, kino og kahoot/quiz. Arrangementet er for ungdom frå 9. klasse til 19 år, og det kom 150 stk. Mange støttar dette arrangementet økonomisk.
- **Frivilligdagen 5. desember** arrangerer vi som ope hus på sentralen. Mange av våre frivillige kjem denne dagen til ei sosial stund med noko godt til kaffien. Det er eit godt høve til å få setje pris på frivillige som gjer ein verdifull innsats for lokalsamfunnet vårt. Det er også viktig for oss for dialog og innspel frå våre frivillige.
- **HLF Gloppen (Hørselshemmedes landsforbund)** arrangerar kvar månad likemannstreff i frivilligsentralen sine lokaler. Her kan personar med nedsett hørsel få informasjon, hjelp med høyreapparat eller høyrehjelpemiddel eller kjøpe nye batteri til høyreapparat sine.

- **Frivilligkontakter:** i samarbeid med helse- og omsorgssjef er det oppretta frivilligkontakter på ulike einingar i helse- og omsorg. Desse er kontaktperson for frivilligsentral og andre frivillige. Målet er at den frivillige aktiviteten skal bli betre koordinert og tilpassa livet i avdelinga, og gjere det betre for både frivillige og mottakarar av frivillige tenester.

6. Deltaking på kurs og fagsamlingar

Tilsette har delteke på Frivillig Sogn og Fjordane sine samlingar/konferanse og i nettverksgruppa for frivilligsentralane i Nordfjord. Styreleiar deltok på Frivillig Sogn og Fjordane sin konferanse.

9. Arbeidsmiljø.

Det har ikkje vore registrert ulykke- eller skadetilfelle i 2018.

10. Ytre miljø.

Stiftinga foureinar ikkje det ytre miljø.


11. Årsresultat.

Det framlagde rekneskapet for 2018 viser eit overskot på kr 34876,47. Balanserekneskap pr. 31.12.18, syner eit rett bilete av den økonomiske situasjonen ved årsskiftet og for drifta 2018.

12. Sluttord.

Det er eit stort frivillig engasjementet i Gloppen kommune. Det er dei frivillige og deira innsats som gjer frivilligsentralen levedyktig. Gloppen Frivilligsentral si oppgåve er å engasjere fleire og ta vare på dei som vil yte frivillig innsats - både enkeltpersonar og samarbeidande lag og organisasjonar. For frivilligsentralen er det viktig å halde på og utvikle det gode samarbeidet vi har med dei frivillige, med lag og organisasjonar og med Gloppen kommune. Gjennom dette vil vi jobbe for at eksisterande aktivitetar kan halde fram, og samtidig skape nye tilbod. Vi vil rette ei stor takk til alle som har gjort frivillig innsats! Vi vil også takke våre samarbeidspartar og dei som har støtta oss praktisk eller økonomisk. Styret takkar dei tilsette for godt utført arbeid.

Sandane, 28.februar 2019



Kristoffer N Rygg
Styreleiar


Kari Jordanger
Styremedlem/nestleiar


Per Ståle Husevåg
Styremedlem


Thor Horntvedt
Styremedlem


Else Tystad
Styremedlem


Elfrid Rauset Håheim
Dagleg leiar